

復齋日記



讀書日記

13

復
齋
日
記

許
浩
著

中
華
書
局

叢書集成初編

復齋日記

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

復齋日記

此據歷代小史本
影印初編各叢書
僅有此本

歷代小史卷之九十六

復齋日記

許 浩 着

會稽王冕元章有高才其墨梅冠絕古今斷無殘楮人爭寶之其畫梅多自題有云我家洗硯池樹頭箇箇花開淡墨痕不用人誇好顏色只留清氣滿乾坤其初見

高廟應制題梅詩曰鬣獵北風吹倒人乾坤無處不沙塵胡兒凍死長城下誰信江南別有春

上大賞之

僧玘太璞餘姚人專心禪學藏經五千四百卷無不成誦 高皇帝雅愛之一日問之曰爲僧不了其報云何玘對曰爲僧不了求墮

阿鼻地獄

上曰出何典玘曰出藏經第幾卷都御史詹同目之

曰若柰何爲此對玘

曰玘

釋氏不敢背教亦不敢欺上也上頗開其

詰之玘以實對

上夏色曰然則吾當何報耶玘叩頭曰天生

聖人爲生民主豈同於凡類耶

上曰此又出何典玘曰出藏經

第幾卷

上命取經閱之信然大悅諭諸大臣曰卿等雖各有才

不若僧之忠誠也

曰玘臨終沐浴更衣請

上告訣

上適有事不見

玘望位叩頭曰臣有生緣無死緣即退

上聞知其語嘆曰噫玘

死矣使人視之果已卒遣人諭祭驛送還鄉

陳壽分宜人聘某氏未成婚而壽得癩疾其父令媒辭絕友泣不從

竟歸壽以已惡疾不敢近女事之三年不憊壽念惡疾不可瘳而

苟延旦夕以負其婦不如死乃私市砒欲自盡婦覘知之竊飲其

半鼻與俱殞壽服砒大吐而癰損愈婦一吐不死夫婦偕老生二子家道日隆人皆以爲婦貞烈之報安成李翰爲予言之如此

求樂間李馬廷試第一

御筆改爲騏唱名馬不知騏爲已不敢應上曰馬也復唱李馬乃出拜賜

高皇帝罷相政皆獨斷惟制誥之事任之館閣

求樂間解縉以章登極詔稱旨以政任之不久而黜一日且暮寧夏報被虜圖上急召閣下諸老皆已出惟編修楊子榮赴

命上不懌示以奏曰爾後進寧解此今當遣何處兵往救子榮徐曰不須救也上曰何也子榮曰臣嘗奉使至彼其城堅且人皆習戰今其發已十餘日虜必已退但勅守城固守及隣近諸城

堡隄備可矣不必遣兵重爲煩擾也 上頗回顏曰明日與諸老
來議之夜半虜圍解報至詰且 上召子榮以報書示之曰卿何
料之審也喜見於色問其名曰楊子榮命去子字單名榮即 命
入閣與楊文貞楊文定同事 罷遇日隆然入謀於內未嘗以宣
於外

正統中三楊繼沒繼之者頗攬威權焉榮後謚文敏三楊心迹大抵
相同而文敏才實通敏機務總至斷決如流而善承 人主意徐
引於正三楊皆以諫 東宮事繫獄累年文敏雖嘗諫 上不罪
也說者謂其相業有姚崇之風

楊文敏公嘗言十事指斥五府六部三法司積弊 文皇帝密諭曰
實切時病但卿言之人將汝尤不若令謹密御史言之由是文敏

以授御史鄧真疏入奏待罪有詔即日復改怙終者不貸奏願聞
出於文敏會祭酒負缺共舉推公欲疏之也 上不允其知遇如
此

廣寧伯劉江鎮守遼東軍政脩明

末樂間倭賊二千餘人駕海艚數十過望海塢登岸公令都指揮徐
劍伏兵山下百戶姜隆率壯士先獲其舟約以旗舉伏起砲鳴奮
擊不用命者以軍法從事倭至江拔旗舉鳴砲伏盡起合擊倭大
敗奔入櫻桃園空堡內乃聞西南一路縱之倭走江揮衆追逐斬
首千餘級生擒幾百人無人得脫者事聞進封麾下皆進秩先是
遼東山東淮陽崇明太倉金山浙閩廣多被倭寇害俱置備倭官
軍自江捷後倭不復敢窺烽堠雖置人終老不見驚江之功大矣

太師英國公張輔征交趾時一日黎賊擁兵大至公下令出戰衆將
王某以風逆按所部不出公勸衆力戰大敗之而還明日班賞因
問昨日不與戰者爲誰王知公怒已斂手曰昨以風逆故不敢出
公曰我獨不畏死也封疆之事幾不可失我旣已出而爾不繼
朝廷之福幸而勝耳脫或不敵而陷於賊豈非爾賣我乎命引出
朝之王叱引之者曰孰敢引我公遽拔佩刀叱衆兵擁出斬於軍
門其子某訴之朝廷頗疑微還都御史顧佐請去其兵權以保
全之某知朝廷之意率其家人於長安門外伺公出朝毆之
朝廷知而不問

仁廟在東宮時天台徐好古爲贊善清介端重仁廟以師禮待之
詩文皆令改定嘗因其有疾致書稱之爲贊善先生備述其能直

言裨益欲望輔導之意辭極謙抑冬至賜酒又特賦詩致意徐卒痛悼不已自爲文以祭及即位又爲之勅守臣特祭於其家是固好古之遇然亦可見仁廟崇儒重道之盛德云好古名善述贈太子少保謚文肅

京中有鬻菜夫鬻豆牙菜一婦人用錢買菜求益夫不與婦人引手就其筥取之袖中銀一錠落於其筥夫持歸以告妻曰吾今可以免賣菜矣妻略不視曰爾得之而喜彼失之者戚乎今吾將孕彼戚而致死咀呪及吾吾亦且死矣縱得十錠何補夫感其言遂還之婦爲夫所咎果將自經得之甚喜旁以酒飯以銀一兩遺之其夕賣菜妻產一男夫出求食妻見一白衣人從地中出長尺許光彩照室驚怪以衣按之即沒夫意有寶掘之得銀一鉅報於失銀

者其婦亦產一女歸於其男相與同爲貿易賣菜妻亦賢乎哉
范仲淹高季迪皆姑蘇人皆嘗誅卓筆峯范詩曰笠澤研池小客寓
架石栽我仰憑天作紙寫出太平歌高詩曰雲來初澹墨鴈過還成
字千載只書空山靈恨何事二人之氣象於此蓋可見矣

溫州章敷聘某氏未成婚納妾某氏有娠而某得疾且死某氏聞請
往視父母謂未成婚尚可別議不許某氏堅欲往某一見而即逝
某氏爲棺歛之撫妾守喪妾生子綸親教讀書通四書大義後進
就外傳竟第進士官至禮部侍郎先欲疏請復立舊太子恐貽
母憂未果某氏聞之謂曰吾平日教爾何為汝能諫死職我雖爲
官婢無所恨也綸遂以疏入忤旨謫戍某地某氏怡然綸後官終
忝某氏嘗自爲詩見志人共傳誦詩曰誰云妾無夫妾猶及見夫

方殂誰云妾無子側室生兒與夫似兒讀書妾碎繡空房夜夜聞啼鳥兒能成名妾不嫁良人瞋目黃泉下

都御史陳鉞以太監汪直得倖以陳自強之計說之使立功於異域以自固直然之請巡遼東夜出兵襲殺女直五百餘人論功陞鉞戶部尚書兵部尚書馬友升發其奸誣以啓霧遼疆下錦衣衛獄臣鞫之無實送都察院直牒之以威竟坐謫遠遼戍既而女直懷忿寇三萬事處屠殺官軍二千餘人鉞隱其四之三御史強珣以實聞詔都御史林聰往覆林畏直以鉞奏未盡而強奏亦頗張皇爲對詔謫強戍而鉞不問鉞既得志尚書王鉞慕之因說直北虜可襲願任其事直喜即請北巡出至大同候者言虜營於威寧海子直習總兵官許寧襲之寧曰祖宗舊法虜來則禦不得捲

襲以塔邊寨三萬之寇已可鑒矣烏可復蹈其轍直怒曰虜在近地不行進討朝廷蓄養汝奚爲吾將聞之於上寧俱得罪即馳還候暮發兵四鼓至虜營俘斬老弱婦女四百餘人少壯者得馬皆走銀輩恐其交戰乘暗鳴金退軍馬牛羊雖敵野不暇取也論功封鉞爲威寧伯直蒙厚賞中外皆惡之諸內侍其數優人之爲淨者盛稱如直之壯高視闊步叱咤呼喝傍若無人副末前詰之曰你是何人敢如此肆志淨曰你不知我是汪直爺爺愛我信我我要殺人便殺人要活人便活人如何不肆志副末曰看你這厮模樣有甚本領爺爺愛你信你淨曰我有計較副末曰你敢是張良淨笑跪曰不及不及但我會厮殺副末曰你敢是韓信淨復跪曰不及不及但我有擺布副末曰你敢是蕭何淨復笑曰不

及不及副末曰你不及如何得 爺爺愛信淨曰你不知我兩隻
手有兩箇月因舉左手月這是陳鉞又舉右手月這是王鉞 憲
廟大笑因疑直會虜憤威寧之役深入邊鄙大肆屠戮嬰兒亦殘
滅言者論直輩起釁之罪俱坐貶謫

妖僧繼曉有寵於 憲廟爲之建永昌寺於西華門西太監梁方主
其事規制甚備先是建三官殿費用鉅萬刑部主事莆田林俊恐
復重費草疏極言寺觀之建於國無益繼曉妖妄不可親近今西
北大歎民力不堪不可重費以益民困言甚切至疏成鎖吏關中
使書每遇繼曉及梁方各空之書成使填吏大駭扣頭泣曰此疏
果入彼此均死公激於義死或所甘何吏累也俊曰死罪吾承不
爾相及吏泣不已妻覺之俊御家素嚴不敢諫令其僕告於俊所

厚侍講吳希賢力諫止之俊曰吾志已決不可回也但事之後煩君爲傳耳因貸其所乘馬區處家事畢齎赴通政司投之語通政使張某曰請屏人視張閱之竟嘆曰君能言人所不能言吾輩愧之然雷震之下恐未易處尚再思之俊曰吾思已三矣云再也張度其不可回令其同年叅議張某諫之俊不應置疏于案而去既入詔下錦衣衛獄獄臣杖之俊曰俊備員部屬見事有害于國不得不言觸犯忌諱罪誠當死死即死奚事杖也獄臣壯其言具上擬謫姚州判官後軍都督府經歷張黻爭之亦坐謫師宗州知州南京兵部尚書王恕極言二人之謫非罪有詔召還復職改調南京俊出見者莫不爲之吐舌而俊慨然無所顧慮然雖謫而繼晷亦坐是尋胤寺不成建則俊之志亦已伸矣